

**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM**

Radna komisija za ustavna i pravna pitanja

Broj: 01/1-02-2/99

Sarajevo, 8. 02.1999

Z A P I S N I K

2. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 8. 02. 1999. godine

Sjednica je počela s radom u 12,00 sati.

Sjednici su prisustvovali : Ana Havel, Jadranko Prlić, Bogić Bogičević, Alma Čolo i Rasim Kadić.

Odsutni članovi: Miodrag Deretić, Milenka Bošnjak, Mirko Banjac i Sejfudin Tokić, koji je opravdao odsustvo.

Pored članova Komisije, sjednici su prisustvovali: Vedran Hadžović, sekretar Komisije, Sead Hodžić, ispred Vijeća ministara, Hans Šumacher i Archie Tuta ispred Ureda visokog predstavnika, predstavnik Evropske Unije Fernando Santaolalla, te Branka Todorović i Jadranko Tomić, članovi privremenog Sekretarijata Parlamentarne skupštine BiH.

Za sjednicu je predložen i usvojen sljedeći

DNEVNI RED:

1. Nacrt zakona o državnoj himni Bosne i Hercegovine,
2. Razmatranje i usvajanje Zakona o državljanstvu,
3. Razmatranje i usvajanje Zakona o zastavi Bosne i Hercegovine,
4. Razmatranje i usvajanje Zakona o grbu,
5. Razmatranje i usvajanje Zakona o telekomunikacijama,
6. Prijedlog zakona o izmjenama i dopunama Zakona o imunitetu,
7. Prijedlog zakona o administrativnim taksama ,
8. Zakon o Vijeću ministara BiH (prijedlog poslanika Sejfudina Tokića i Ive Divkovića),
9. Zakon o uslovima i načinu postupanja nadležnih državnih i pravosudnih organa u vezi sa kažnjavanjem ratnih zločinaca (prijedlog poslanika dr. Zlatka Lagumdžije),
10. Zakon o osnivanju Zajedničkih policijskih snaga za suzbijanje terorizma, međuentitetskog kriminala i neovlašćene trgovine drogom (prijedlog Kluba SDPBiH),
11. Prijedlog za izmjene i dopune Zakona o putnim ispravama Bosne i Hercegovine (prijedlog poslanika Sejfudina Tokića i Ive Divkovića),
12. Inicijativa za izmjenu Zakona o "Službenom glasilu BiH" (podnosilac delegat Mirsad Ćeman),
13. Dogovor o daljem radu Komisije.

Ad -1 Nacrt zakona o državnoj himni Bosne i Hercegovine

Komisija je razmotrila Nacrt zakona o državnoj himni Bosne i Hercegovine i amandmane poslanika Alme Čolo. Ocijenjeno je da Nacrt zakona u skladu sa Ustavom i pravnim sistemom Bosne i Hercegovine.

Konstatirano je da verzije na bosanskom i engleskom jeziku nisu u potpunosti istovjetne, te je predstavnik Ureda Visokog predstavnika za BiH, gospodin Hans Shumacher, prihvatio obavezu da Ured Visokog predstavnika utvrdi ispravan tekst prijedloga ovog zakona i dostavi ga na razmatranje

Predstavničkom domu, zajedno sa orkestarskim partiturama. S ovim zaključkom saglasili su se članovi Komisije, kao i poslanik Alma Čolo, koja je povukla podnesene amandmane.

Komisija se nije opredjeljivala o tri prijedloga himne Bosne i Hercegovine. Zaključeno je da se Predstavničkom domu predloži usvajanje zaključka kojim bi se utvrdila sljedeća procedura glasanja za izbor himne:

1. Da se prije glasanja tonški preslušaju sve tri orkestralne izvedbe prijedloga himne,
2. Da se glasanje o prijedlogu himne obavi u dvije faze:
 - U prvom krugu glasanja, poslanici će tajnim glasanjem zaokružiti jedan od tri prijedloga himne. Rezultate glasanja bi trebala utvrditi prethodno izabrana komisija od tri poslanika i o tome obavijestiti Dom. Ukoliko dva prijedloga dobiju jednak broj glasova, glasanje će se ponoviti u cjelini;
 - U drugom krugu, glasat će se o dva prijedloga himne koja su u prvom krugu dobila najviše glasova. O načinu glasanja (javno ili tajno) prethodno će odlučiti Predstavnički dom. Ukoliko oba prijedloga dobiju jednak broj glasova, glasanje o dva prijedloga će se ponoviti.

Ad - 2. Zakon o državljanstvu,

Ad - 3. Zakon o zastavi Bosne i Hercegovine,

Ad - 4. Zakon o grbu,

Ad - 5. Zakon o telekomunikacijama.

Komisija u cjelini podržava donošenje Zakona o državljanstvu, Zakona o zastavi Bosne i Hercegovine, Zakona o grbu i Zakona o telekomunikacijama i ocjenjuje da su navedeni zakoni u skladu sa Ustavom i pravnim sistemom Bosne i Hercegovine. S obzirom da je Ured visokog predstavnika donio ove zakone u skladu sa dokumentima Bosanske deklaracije, kao i da je Vijeće ministara BiH podržalo njihovo donošenje, Komisija predlaže da se zakoni prihvate, odnosno potvrde u tekstu u kom su predloženi.

Ad - 6. Prijedlog zakona o izmjenama i dopunama Zakona o imunitetu,

Ad - 7. Prijedlog zakona o administrativnim taksama.

Komisija je razmotrila Prijedlog zakona o izmjenama i dopunama Zakona o imunitetu i Prijedlog zakona o administrativnim taksama, čiji je predlagatelj Vijeće ministara BiH, i ocijenila da su u skladu sa Ustavom i pravnim sistemom Bosne i Hercegovine, te predlaže Predstavničkom domu da usvoji navedene zakone.

Ad - 8. do 12. Zakonski prijedlozi i inicijative za donošenje zakona

Komisija je razmotrila proceduru razmatranja inicijativa za donošenje i prijedloga podnesenih zakona. Konstatirano je da su Predstavničkom domu do sada podneseni prijedlozi:

- Zakona o Vijeću ministara BiH (prijedlog poslanika Sejfudina Tokića i Ive Divkovića),
- Zakona o uslovima i načinu postupanja nadležnih državnih i pravosudnih organa u vezi sa kažnjavanjem ratnih zločinaca (prijedlog poslanika dr. Zlatka Lagumdžije),
- Zakona o osnivanju Zajedničkih policijskih snaga za suzbijanje terorizma, međuentitetskog kriminala i neovlašćene trgovine drogom (prijedlog Kluba SDP BiH),
- izmjena i dopuna Zakona o putnim ispravama Bosne i Hercegovine (prijedlog poslanika Sejfudina Tokića i Ive Divkovića), i
- Inicijativa za izmjenu Zakona o "Službenom glasilu BiH" (podnosilac delegat Mirsad Ćeman).

U vezi s tim, Ustavna komisija je usvojila Zaključak da se predloži Predstavničkom domu da donese sljedeći Zaključak:

1. Potrebno je da predsjedavajući Predstavničkog doma uputi Vijeću ministara BiH i drugim nadležnim institucijama BiH sve prijedloge i inicijative za donošenje ili izmjenu zakona podnesene od

strane poslanika, klubova poslanika i radnih komisija koje su dostavljene Predstavničkom domu, radi davanja mišljenja.

2. Vijeće ministara BiH i druge nadležne institucije BiH dužne su da svoja mišljenja o ovim zakonima i inicijativama dostave Predstavničkom domu u roku od 30 dana. Nakon proteka ovog roka, Radna komisija o ustavnim i pravnim poslovima i druge nadležne radne komisije će razmotriti navedene prijedloge, odnosno inicijative i o njima dati preporuku Predstavničkom domu. Ovim bi se bez odgađanja otvorila procedura njihovog razmatranja u Radnoj komisiji o ustavnim i pravnim poslovima i drugim nadležnim radnim komisijama, odnosno u Predstavničkom domu Parlamentarne skupštine Bosne i Hercegovine.

3. Predsjedavajući Predstavničkog doma će ubuduće sve naknadno podnesene prijedloge i inicijative dostavljati institucijama iz tačke 1. ovog zaključka i zatražiti da svoja mišljenja dostave Predstavničkom domu u pravilu u roku od 30 dana, a izuzetno, ako se po ocijeni Kolegija Predstavničkog doma radi o složenijim i obimnijim zakonima, u roku od 60 dana od dana njihovog dostavljanja ovim institucijama. Nakon proteka datog roka, podneseni prijedlozi i inicijative će ići u redovnu proceduru utvrđenu Privremenim poslovníkom Predstavničkog doma Parlamentarne skupštine BiH.

Ad - 11.

Za izvjestioca Komisije na sjednici Predstavničkog doma određeni su: za 1. tačku ovog izvještaja Alma Čolo, a za tačke 2. do 4. Izvještaja Rasim Kadić.

Sjednica je završena u 14,15 sati.

PREDSEDavajući
Rasim Kadić, s.r.

SEKRETAR
Vedran Hadžović, s.r.